

सीति । तस्मादश्वमेधयाजी सर्वा दिशोऽभिजयति भुवनमसीति भुवनं तज्जयति  
यन्तासि धर्तेति यन्तारमेवैनं धर्तारं करोति स त्वमग्निं वैश्वानरमित्यग्निमेवैनं वै-  
श्वानरं गमयति सप्रथमं गच्छेति प्रज्यैवैनं पशुभिः प्रथयति स्वाहाकृत इति व-  
षट्कारं एवास्यैष स्वगा त्वा देवेभ्य इति देवेभ्य एवैनं स्वगा करोति प्रजापतय  
ऽइति प्राजापत्योऽश्वः स्वयैवैनं देवतया समर्धयति ॥३॥ ईश्वरो वाऽएषः । आ-  
र्तिमार्तिर्यो ब्रह्मणे देवेभ्योऽप्रतिप्रोच्याश्च बध्नाति ब्रह्मन्नाश्च भत्स्यामि देवेभ्यः  
प्रजापतये तेन राध्यासमिति ब्रह्माणामामल्लयते ब्रह्माणऽएवैनं प्रतिप्रोच्य बध्नाति  
नार्तिमार्हति तं बधान देवेभ्यः प्रजापतये तेन राधुहोति ब्रह्मा प्रसीति स्वयै-  
वैनं देवतया समर्धयत्यथ प्रोक्षत्यसावेव बन्धुः ॥४॥ स प्रोक्षति । प्रजापतये  
त्वा जुष्टं प्रोक्षामीति प्रजापतिर्वै देवानां वीर्यवत्तमो वीर्यमेवास्मिन्दधाति तस्मा-  
दश्वः पशूनां वीर्यवत्तमः ॥५॥ इन्द्राग्निभ्यां त्वा जुष्टं प्रोक्षामीति । इन्द्राग्नी वै  
देवानामोजस्वितमाऽओज एवास्मिन्दधाति तस्मादश्वः पशूनामोजस्वितमः ॥६॥  
वायवे त्वा जुष्टं प्रोक्षामीति । वायुर्वै देवानामाशिष्ठो जवमेवास्मिन्दधाति तस्मा-  
दश्वः पशूनामाशिष्ठः ॥७॥ विश्वेभ्यस्त्वा देवेभ्यो जुष्टं प्रोक्षामीति । विश्वे वै देवा  
देवानां यशस्वितमा यश एवास्मिन्दधाति तस्मादश्वः पशूनां यशस्वितमः सर्वे-  
भ्यस्त्वा देवेभ्यो जुष्टं प्रोक्षामीति ॥८॥ तदाहुः । यत्प्राजापत्योऽश्वोऽथ कथाप्य-  
न्याभ्यो देवताभ्यः प्रोक्षतीति सर्वा वै देवता अश्वमेधेऽन्वायत्ता यदाहु सर्वेभ्य-  
स्त्वा देवेभ्यः प्रोक्षामीति सर्वा एवास्मिन्देवता अन्वायातयति तस्मादश्वमेधे स-  
र्वा देवता अन्वायत्ताः पाप्मा वाऽएतं भ्रातृव्य ईप्सति योऽश्वमेधेन यजेत वज्रो  
ऽश्वः परो मर्तः परः श्वेति श्वानं चतुरक्षं कृत्वाधस्पदमश्वस्योपप्रावयति वज्रेणै-  
वैनमवक्रामति नैनं पाप्मा भ्रातृव्य आप्नोति ॥१॥ ब्राह्मणम् ॥२॥  
यथा वै रुविषोऽद्रुतस्य स्कन्देत् । एवमेतत्पशो स्कन्दति यं निक्तमनाल-